

NALUNAARUTIT - Grønlandsk Lovsamling

Serie C-II

14 NOV. 2014

ISUMAQATIGIISSUT

Naalakkersuisut, aamma Sulinermik Inuussutissarsiuqartut Kattuffiata akornanni Niuernermi allaffinnilu sulisut pillugit isumaqatigiissut.

IMAASA NALUNAARSORSIMAFFIAT

Qupp.

§ 1 Isumaqatigiissummi pineqartut	3
§ 2 Suliffiup sivisussusia	3
§ 3 Niuernermi allaffinnilu ikiortit	4
§ 4 Niuernermi allaffinnilu sulisussatut tunngaviumik ilinniagallit.	5
§ 5 Assistentit.	6
§ 6 Overassistentit.	7
§ 7 Kontorfuldmægtigit.	7
§ 8 Immikkoortortaqarfinni pisortat.	8
§ 9 Soraarnerussutisiassanut akiliutissat taakkulu akilerneqartarneri.	9
§ 10 Ukiut suliffiit malillugit akissarsiat qaffakkiartortarneri.	9
§ 11 Piffissap ilaannaani atorfeqarneq.	10
§ 12 Qaangiuttoornerit aamma qaangiuttoornernut taarsiullugu sulinngiffeqarnerit.	11
§ 13 Ataasiakkaanut tapinut immikkoortitat.	12
§ 13 A Inuussutissarsiuqartut ilinniarnermi nangitsisimasunut tapisiat.	13
§ 14 Tele/Attaveqaatini ikiortit.	14
§ 15 Oqalutsit tapisiaat.	15

§ 16 Pigaartuunermut tapisiat.	15
§ 17 Inunnik siunnersutitut tapisiaat.	16
§ 18 Persaqqusersorneqarnermut akiliutit.	16
§ 19 Suliartoqqunegaratarsinnaanermut tapisiat.	16
§ 20 Atorfinnut immikkut ittumut tapit.	17
§ 21 Pikkorissutsimut tapisiat il.il.	17
§ 22 Suliamut aalajagersimasumut tapeq.	18
§ 23 Stationeqarfinni avinngarusimasuni sulisut.	19
§ 24 Sulinermit atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiutillu.	19
§ 25 Atorfinmi gaffasinnerusumi kingoraartaaneq.	20
§ 26 Ineqarneq.	20
§ 27 Atorfininnermut atatillugu akiliunneqarluni angalaneg. ...	21
§ 28 Assuarlersinnaatitaaneq.	22
§ 29 Sulinngiffeqarneq sulinngiffeqarnerisiutillu.	23
§ 30 Napparsimaneq.	23
§ 31 Naartuneq, ernineq gitornavissiartaarnerlu.	25
§ 32 Meeqqap napparsimanerani ullormi siullermi sulinngiffeqarsinnaatitaaneq.	25
§ 33 Meeqqap napparsimanerani sulinngiffeqarnerit allat.	26
§ 34 Sulinngiffeqarnerit immikkut ittut allat.	26
§ 35 Sulinngiffeqartarnerit.	27
§ 36 Qinikkatut pisortanillu toqqakkatut suliassaqartitaaneq. .	28
§ 37 Toqukkut qimagaanersiutit.	29
§ 38 Isumaqatigiinngissutit kinaassusersiortumillu soraarsitsinerit.	29
§ 39 Soraarniuteqarneq/Soraarsitsineq.	29
§ 40 Niuernermi allaffinnilu sulisut nal. akunnermusiallit. ...	31
§ 41 Akissarsiat katiternerit.	32
§ 42 Ikaarsaarnermi malittarisassat.	33
§ 43 Piffissaq isumaqatigiissutip atuuffia.	33

§ 1

Isumaqatigiissummi pineqartut

Isumaqatigiissummi uani pineqarput Kalaallit Nunaanni niuernerimi allaffinnilu sulisut Namminersorlutik Oqartussani, Tele Greenland A/S-mi, A/S Inissiaatileqatigiiffik INI-mi aammalu kommuneni suliffillit, isumaqatigiissutitut allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommunenillu soraarninngorsimasut aammalu suliffeqarfinni immikkut pisussaaffiligaasuni ittut isumaqatigiissummi uani ilaatinneqanngillat.

§ 2

Suliffiup sivisussusia

Nalinginnaasumik piffissaq suliffissaq sap.akunneranut nal. akunnerinik 40-nik sivisussuseqarpoq, agguaqatigiissillugu qaammammut nal.akunnerinut 173 1/3-inut naapertuuttumik. Piffissaq suliffiususaq sap.akunnerini ulluni ataasiakkaani niuertarfiit il.il. pisariaqartitsineri naapertorlugit inissinneqarsinnaavoq.

Imm. 2. Ullormut piffissap suliffiusussap iluani sulinngitsoornerit akissarsianit ilanngaatineqartassapput sulinngitsoornermi akissarsiassaraluit amerlaqataannik. Nal. akunnera sulinngitsoorfik nalilerneqartassaag atorfeqartup nal. akunnermusiarisartagaatut annertutigisumik, nal. akunneranut tapigisinnaasai ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaag.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaag. Taamaattorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiususaq eqgortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffiusoq piffissatut suliffittut naatsorsuunneqassanngilaq.

§ 3

Niuernermi allaffinnilu ikiortit

Niuernermi allaffinnilu ikiortit tassaapput niuernermi allaffinnilu sulisut ukiuni 2-ni niuernermi allaffinnilu sulereersimasut, kisianni lærlingitut, EFG-mi STI-miluunniit ilinniarnermik ingerlataqarsimanngitsut.

Imm. 2. Niuernermi allaffinnilu ikiortit 18 inorlugit ukiullit imaattunik qaammammusiaqartinneqassapput:

ukiut		01.04.14	01.04.15	01.04.16	01.04.17
trin suliff					
1	1.	12.052,68	12.234,68	12.500,09	12.739,72
2	2. amerlanerillu	12.102,87	12.284,87	12.284,87	12.524,50

Imm. 3. Niuernermi allaffinnilu ikiortit 18 sinnerlugit ukiullit imatut qaammammusiaqassapput:

ukiut		01.04.14	01.04.15	01.04.16	01.04.17
trin suliff					
1	1.	15.028,53	15.210,53	15.475,94	15.715,57
2	2.-3.	15.081,44	15.263,44	15.528,85	15.768,48
3	4.-6.	15.128,45	15.310,45	15.575,86	15.815,49
4	7.-9.	15.199,01	15.381,01	15.646,42	15.886,05
5	10.-12.	15.263,66	15.445,66	15.711,07	15.950,70
6	13.-14.	15.322,45	15.504,45	15.769,86	16.009,49
7	15.-16.	15.392,99	15.574,99	15.840,40	16.080,03
8	17. amerlanerillu	15.463,53	15.645,53	15.910,94	16.150,57

Imm. 4. Niuernermi allaffinnilu ikiortit 30-nik ukioqalereer-
simasut akissaatit nikerarfiini 3-mit appasinnerusumut inissin-
neqarsinnaanngillat (uk. 4-6-at).

Imm. 5. Siornatigut niuernermi allaffinnilu suliffeqarsimaneq
ukiut suliffigisimasat naatsorsorneqarneranni ilanngunneqartas-
saaq, ukiut 2 ilanngaaticigalugit. Niuernermik ilinniarfimmiissima-
neq ulluklut ingerlanneqartoq ukiut suliffigisimasat naatso-
rsorneqarneranni ilanngunneqartassaaq, sivisunerpaamilli ukiut 2
tikillugit.

§ 4

Niuernermi allaffinnilu sulisussatut
tunngaviusumik ilinniagallit.

Sulisut ilinniarnerninik naammassinnissimasut ukiorlu siulleg
niuernermi allaffinnilu sulisussatut STI-mi ilinniagaqarnerminnut
uppernarsaatillit (niuernermi allaffinnilu sulisussatut tunngavi-
usumik ilinniagallit) imaattunik qaammammusiagartinneqassapput:

Skala trin	Trin	ukiut suliff	01.04.14	01.04.15	01.04.16	01.04.17
15	1	1.-2.	17.224,97	17.406,96	17.672,37	17.912,00
16	2	3.-4.	17.358,44	17.540,43	17.805,84	18.045,47
17	3	5.-6.	17.542,86	17.724,85	17.990,26	18.229,89
18	4	7.-8.	17.732,43	17.914,42	18.179,83	18.419,46
19	5	9. amerlanerillu	17.858,33	18.040,32	18.305,73	18.545,36

§ 5

Assistentit.

Assistentit tassaapput niuernermi allaffinnilu atorfillit niuernermi allaffinnilu sulisussatut lærlingit ilinniartitaasarnernani, EFG-mi imaluunniit STI-mi TNI-miluunniit niuernermi allaffinnilu ilinniagaqarnermik naammassinnereersimasut (niuernermi allaffinnilu sulisussatut ilinniagallit). Aammattaq niuernermi allaffinnilu sulisussatut tunngaviusumik ilinniagallit § 4-mi taaneqartut aamma niuernermi allaffinnilu ikiortit § 3-imi taaneqartut assistentimut qaffatsinneqarsinnaapput ukiuni 6-ni sulereerunik, taakkunanngalu ukiumi ataatsimi atorfeqarfimminneereerunik, pissutsillu atorfeqarnermut tunngasut tamanna ajornartinngippasuk.

Imm. 2. Taamaattorli immikkut illuinnartunik pissutissaqartillugu niuernermi allaffinnilu sulisussatut tunngaviusumik ilinniagallit aammalu niuernermi allaffinnilu ikiortit illuatungeriit isumaqatigiissuteqarnerisigut assistentit akissarsiaqartinneqalersinnaasut.

Imm. 3. Assistentit imaattunik qaammammusiagartinneqassapput:

Skala	trin	ukiut suliff	01.04.14	01.04.15	01.04.16	01.04.17
20	1	1.-2.	18.035,18	18.217,17	18.482,58	18.722,21
21	2	3.-4.	18.217,76	18.399,75	18.665,16	18.904,79
22	3	5.-6.	18.417,43	18.599,42	18.864,83	19.104,46
23	4	7.-8.	18.623,01	18.805,00	19.070,41	19.310,04
24	5	9. amerlanerillu	18.834,42	19.016,41	19.281,82	19.521,45

§ 6

Overassistentit.

Assistenti suliffimmini immikkoortortaqarfimmi sulisunik arlaliniq aqutaqaruni sulianilluunniit pisinnaaffigilluakkaminik ingerlataqaruni imaluunniit tatigineqarnini naapertorlugu mianerisariaqartunik suliaqartinneqaruni, overassistentimut qaffatsinneqarsinnaavoq.

Imm. 2. Overassistentit imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
26	1	1.-2.	19.287,43	19.469,42	19.734,83	19.974,46
27	2	3.-4.	19.517,57	19.699,56	19.964,97	20.204,60
28	3	5.-6.	19.766,06	19.948,05	20.213,46	20.453,09
29	4	7.-8.	20.021,34	20.203,33	20.468,74	20.708,37
30	5	9.amerlanerillu	20.283,81	20.465,80	20.731,21	20.970,84

§ 7

Kontorfuldmægtigit.

Overassistentit pissutsini immikkut illuinnartuni, sulianilluunniit pisinnaaffigilluakkaminik ingerlataqaruni kontorfuldmægtigitimut qaffatsinneqarsinnaapput.

Imm. 2. Kontorfuldmægtigit imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
35	1	1.-2.	21.707,57	21.889,56	22.154,97	22.394,60
37	2	3.-4.	22.333,45	22.515,44	22.780,85	23.020,48
39	3	5.-6.	22.994,08	23.176,07	23.441,48	23.681,11
41	4	7.amerlanerillu	23.691,59	23.873,58	24.138,99	24.378,62

Imm. 3. Akademi IT-mut tunngasunik aammalu akademi NI-2-mik ilin-
niagallit fuldmægtigit atorfinit sinneqarsinnaapput, imaattunik
qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
37	1	1.-2.	22.333,45	22.515,44	22.780,85	23.020,48
39	2	3.-4.	22.994,08	23.176,07	23.441,48	23.681,11
41	3	5.-6.	23.691,59	23.873,58	24.138,99	24.378,62
43	4	7. amerlanerillu	24.428,13	24.610,12	24.875,53	25.115,16

§ 8

Immikkoortorta qarfinni pisortat.

Fuldmægtigit pissutsini immikkut illuinnartuni immikkoortorta-
qarfinni pisortatut qaffatsinneqarsinnaapput.

Imm. 2. Immikkoortorta qarfinni pisortat imaattunik qaammammusi-
aqartinneqassapput:

Skala	trin	ukiut suliff	01.04.14	01.04.15	01.04.16	01.04.17
44	1	1.-2.	24.811,63	24.993,62	25.259,03	25.498,66
46	2	3.-4.	25.610,68	25.792,67	26.058,08	26.297,71
48	3	5. amerlanerillu	27.344,56	27.526,55	27.791,96	28.031,59

Imm. 3. Immikkoortorta qarfinni pisortanut qaangiuttoornersisits-
isoqarsinnaananilu persaqusersorneqarnermut tapisiaqartoqarsin-
naangilaq §-it 12 aamma 18 malillugit. Sukkulluunniit suliartoq-
quneqaratarsinnaanermut tapisiaqartitsisoqassaaq qaammammut
2.900,00 kr.-nik.

§ 9

**Soraarnerussutisiassanut akiliutissat
taakkulu akilerneqartarneri.**

Isumaqatigiissut malillugu sulisup 20-nik ukioqalereersimasup soraarnerussutisiaqalernissaanut isumaqatigiissummi matumani akissarsiat paragrafini tunngaviusumik akissarsiat taaneqartut 10,20%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqgissuussiner-mi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalu soraarnerussutisi-
assanut akiliutit imm. 1-imi taaneqartut avataasigut sulinini
pissutigalugu sulisitsisuminit soraarnerussutisiaqartinneqarnani-
luunniit ikiuutisiaqartinneqassanngilaq.

§ 10

**Ukiut suliffiit malillugit
akissarsiat gaffakkiartortarneri.**

Ukiut suliffiit malillugit akissarsiat gaffakkiartortarneri aala-
jangersarneqartassapput piffissaq pineqartup ilinniarsimanini
tunngavigalugu suliffigisimasaa aallaavigalugu.

Imm. 2. Ukiut suliffiit malillugit akissarsiat gaffakkiartor-
tarnerisa naatsorsorneqarneranni siusinnerpaatut aallaaviusassaaq
qaammatip ilinniakkamik naammassinniffiup naanera.

Imm. 3. Ukiut suliffiit malillugit akissarsiat gaffakkiartorneri
tamatiqut qaammatinut ilivitsunut nalimmassarneqartassapput ullut
15-nit taakkuluunniit ataallugit sulisimanerit naatsorsuutigine-
qassanatik.

Imm. 4. Qaammammusiallit Kalaallit Nunaanni pisortat suliffeqarfiutaanniit imaluunniit Namminersorlutik Oqartussat suliffeqarfiutaannit togqaannartumik Kalaallit Nunaanni pisortat suliffeqarfiutaannut imaluunniit Namminersorlutik Oqartussat suliffeqarfiutaannut allamut nuuttut suliaminnillu allanngortitsinatik ingerlatsiinnartut ukiut suliffiit malillugit akissarsiat qaffakkiartortarnissaattut katersareriikkatik attatiinnassavaat.

Imm. 5. Malittarisassani siuliani taaneqartuni gaffasinnerusumik inissiisoqarsinnaavoq immikkorluinnaq pissutissaqartillugu.

Imm. 6. §-it 3, 5, 11, 13A aamma 40 naapertorlugit atorfiit ataasiakkaat ataanni inissiisarnissamik aalajangersakkat immikkut ittumik nalunaarsorneqarsimasut ilanngullugit inner-suussutigineqarput.

§ 11

Piffissap ilaannaani atorfeqarneq.

Niuernermi allaffinnilu atorfillit piffissap ilaannaa atorfeqartussatut sulisussarsiarineqartut qaammammusiaqartinneqassapput qanoq sivilisutigisumik sulisarnertik naapertorlugu.

Imm. 2. Niuernermi allaffinnilu atorfillit qaammammusiaqarlutik piffissap ilaannaa suliffeqartut sap. akunnerannut agguaqatigiissillugu nal. akunnerini 15-ini taakkunangaluunniit amerlanerusuni sulisarunik ukiut suliffiit malillugit akissarsiat qaffakkiartuutaat tamakkiisumik pisassavaat. Sap. akunnerannut agguaqatigiissillugu nal. akunnerini 15-init ikinnerusuni sulisarunik ukiut suliffiit malillugit akissarsiat qaffakkiartuutaat piffissap suliffigisartakkamik sivilisussusianut naapertuuttunngorsarlugit pissavaat.

Imm. 3. Suliffiup sivilissusianik allannortitsineq, tassungalu ilaalluni piffissap ilaanna sulisup sulileqqaarnerani isumaqatigiissutigineqartumut naleqqiullugu sivitsuigallarnek, taamaallaat ullunik 3-nik sioqqutsisumik ilisimatitsinikkut pisinnaavoq. Taamatut ilisimatitsisoqanngippat nal. akunnerisa suliffiorpiartut saniatigut nal. akunneranik 1-imik pissarsisitsisoqassaaq. Piffissamik suliffissamik allannortitsisoqassatillugu inuit ataasiakkaat piffissap allannortinneqartup nalaani sulinninnissaminnik kissaataat mianeriniarneqartassapput.

§ 12

**Qaangiuttoornerit aamma qaangiuttoornernut taarsiullugu
sulinngiffeqarnerit.**

Qaangiuttoorneq sapinngisamik pinngitsoorniarneqartassaaq. Nalinninnaasumik suliffiup avataatigut peqquneqarluni nakkutigineqartumillu allaffimmi suliffiup avataatigut sulinerit qaangiuttoornerissutaasassapput nal. akunneranut qaangiuttoorfiusut naapertuuttunik taperneqartassallutillu nal. akunneranut akissarsiap piffissamut atukkamut taperneqarneratigut, imatut annertussusilinnik:

Qaangiuttoornermi nal. ak. 1., 2. aamma 3.-anni.....	50%
Qaangiuttoornermi nal. ak. 4.-aanni kinguliinilu, kiisalu sapaatini nalliuttunilu sulinerni	100%

Qaangiuttoornerit nal. akunnerata affaata aallartinneri tamaasa katersorneqartassapput. Allaffinni niuernermilu sulisut nal. akunnermusiaat §-it 3 - 7 naapertorlugit ukiumut aningaasarsiaasa 1/2080-itut naatsorsorneqartassaaq.

Imm. 2. Qaangiuttoornerit sulisup sulisitsisullu isumaqatigiinnerisigut sulinnngiffeqaataasinnaapput. Qaangiuttoorneri assanut taarsiullugu qaangiuttoornermi aningaasarsiat imm. 1-imi annertussutsit tapillu pineqartut ilanngullugit qaangiuttoorneri assaagaluanut naapertuuttunik sulinnngiffeqaataassapput.

Sulinngiffeqarnissamut katersukkat nal.akunnerata qaangiuttoorfigisap affaata aallartinneri tamaasa naatsorsorneqartassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aqqissuunneqassaaq.

Imm. 3. Sulisoq qaangiuttooqquneqassappat tamanna ullormi pinegartumi ullup suliffiup naanissaa nal. akunnerinik 5-nik sioq-qullugu ilimasaarutigineqareersimassaaq.

Imm. 4. Ilisimatitsineqarsimanngippat qaangiuttoornerlu nal. akunneri 2-t sinnerlugit sivisussuseqarpat nal. akunnerisa qaangiuttoorfiit saniatigut qaangiuttoornersiffissat nal. akunneranik ataatsimik ilaneqassapput.

Imm. 5. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffioreersut saniatigut qaangiuttoornersiamik nal. akunnerata ataatsip nalinganik ilaneqassapput.

Imm. 6. Suliffiup nalinginnaasup avataatigut sulisoq suliar-toqquneqarsimappat minnerpaamik nal. akunneri 4-at tunniunneqassapput.

§ 13

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapisiatut sulionnaarnissap tungaanut tapisariinnassavaat.

§ 13 A

**Inuussutissarsiuutitigut ilinniarnermikk
nangitsisimasunut tapisiat.**

Inuit inuussutissarsiuutitigut ilinniartitaanermi nangitsinermik allaffimmi niuernermilu ilinniartitaaneq pillugu Namminer-sornerullutik Oqartussat nalunaarutaat nr. 5, 30. juni 1983-imeersoq naapertorlugu inuutissarsiuutitigut ilinniartitaanermik nangitamik naammassinnissimanermut allagartallit isumaqatigiissut manna malillugu atorfinitsinneqartassapput, atorfittaarisag tassaangippat tjestemanditut atorfik imaluunniit tjestemandi-mut assingusumik atorfik.

Imm. 2. Assistentitut, overassistentitut fuldmægtigitulluunniit atorfinitsitsinermi ukiut marluk atuarfimmiissimaneq aamma sungi-usarluni ukiup affaani sulisimaneq katillugit ukiup pingajuata af-faa aningaasarsiat inissisimaffiunut assistentitut, overassisten-titut fuldmægtigitullu inissinermi naatsorsuutigineqassapput. Taamatuttaaq inuussutissarsiuutitigut ilinniartitaanermi nan-gitsinerup aallartinneqannginnerani assistentitut, overassi-stentitut fuldmægtigitulluunniit sulisimaneq atorfeqarnerup sivi-sussusiligaaneranut naatsorsuutigineqartussaag assistentitut aamma overassistentitut fuldmægtigitulluunniit atorfeqarnerup sivilissu-siligaaneranut naatsorsuunneqartoq assistentit, overassistentit fuldmægtigilluunniit aningaasarsiaqarfiannut inissinneqarnermi naatsorsuutigineqassaag.

Imm. 3. Assistentitut atorfimmi sulilernermi qaammammut 1.200,00 kr.-inik tapisiaqartitsisoqassaag.

Imm. 4. Overassistentitut atorfimmi sulilernermi qaammammut 1.200,00 kr.-inik tapisiaqartitsisoqassaag.

Imm. 5. Fuldmægtigitut atorfimmi sulilernermi qaammammut 1.200,00 kr.-inik tapisiaqartitsisoqassaag.

Imm. 6. Akademi IT-mut aammalu Akademi NI-2-mi atorfimmi suliler-nermi qaammammut 1.200,00 kr.-inik tapisiaqartitsisoqassaag.

Imm. 7. Immikoortortaqarfinni pisortatut atorfimmi sulilernermi qaammammut 1.200,00 kr.-inik tapisiaqartitsisoqassaaq.

Imm. 8. Inuit inuussutissarsiutitigut ilininniartitaanerminnik nangitsisut aammalu TNI-18-mi naammassisimasut ilinniartitaanerminnik nangitsisut sungiusarlutik sulisut SIK-p ilinniartunut isumaqatigiissutaanni § 2, immikkoortortoq siulleg malillugu skalani nikeriarfiit pingajuanniit aningaasarsiaqartinneqassapput.

Imm. 9. Imm. 3 - 5-imut naapertorlugit tapisiat aammattaq, Namminersornerullutik Oqartussat akuersissuteqarsimassappata, sulisunut ilinniartitaanikkut piginnaaneqalersimasunut, inuutissarsiutitigut ilinniartitaanermi nangitsinermik allaffimmi niuernermilu ilinniaartitaaneq pillugu Namminersornerullutik Oqartussat nalunaarutaanut nr. 5, 30. juni 1983-imeersumut naligitinneqarsinnaasunut, pisartagaritinneqarsinnaapput.

§ 14

Tele/Attaveqaatini ikiortit.

Tele/Attaveqaatini ikiortitut sulisut suliamik ilinniagallit aamma suliamik ilinniagaqanngitsut pillugit isumaqatigiissummi § 4, imm. 2 malillugu akissarsiaqassapput taamaalilluni sulisunut suliamik ilinniagaqanngitsunut pikkorissutsimut tapisiaqartitsisarneq pillugu aalajangersakkat malinneqartassallutik, tamatumunngalu ilaavoq qaammatit 3 teleskolemi attaveqaatini ikiortit pikkorissartinneqarnerannik naammassinnereernermi nal. akunneranut 2,90 kr.-inik tapisiaqartitsisoqalertarneq. Attaveqaatini ikiortinut oqaluttaanermut tapisiaqartitsisoqarsinnaavoq nal. akunneranut 2,90 kr.-inik.

Imm. 2. Tele/Attaveqaatini ikiorti qaammatini qulini pikkorissartinneqareernermi imaluunniit EFG-mi tunngaviusumik ilinniareernermi/niuernermit ilinniarfimmi STI-mi ilinniartitaanermi ukioq siulleg ilinniareernermi kingornatigut isumaqatigiissummi matumani § 5 naapertorlugu assistentitut aningaasarsiaqartinneqassaaq.

Imm. 3. Tele/Attaveqaatini ikiortit suleqatitaaminnik sungi-
usaasinnegarsimagunik nal.akunneranut 2,90 kr.-inik tapisiaqar-
titaasariaqarput, sulisoq suleqatitaamik sungiusaasussanngortinne-
qarpat.

Imm. 4. Tele Attaveqaatini ikiortit assistentitut aningaasar-
siaqartinneqartut aamma oqaluttaasarnermut tapisiaqartinneqarsin-
naapput.

§ 15

Oqalutsit tapisiaat.

Niuernermi allaffinnilu sulisut, oqalutsitut ilinniarsimann-
gikkaluarlutik, taamaattorli allattarissatigut oqaluttarissa-
tigullu akuttunngitsunik annertungaatsiartumillu nutserisutut su-
liaqartartut, pikkorissutsimut tapisiat § 21-i tunngavigalugu
niuernermi allaffinnilu piginnaaneqarfitik pillugit tapisiamik sa-
niatigut 500,00 kr.-inik qaammammut tapisiaqarsinnaapput.

§ 16

Pigaartuunermut tapisiat.

Atorfilik inunnik isumaginninnermi suliaqartoq aalajangersima-
sumillu pigaartuuffiqartartoq nal. ak. 38,00 kr.-nik pigaar-
tuunermut tapisiaqartinneqassaaq. Oqarasuaatikkut kalerritsinnerit
immikkut tapisissutaassanngillat. Aggeqquneqarnermi piffissaq su-
liffiorpiartoq qaangiuttoornersiffiusaaq taamaattoq aggeqqune-
qarnermi ataatsimi minnerpaamik nal.akunnerata ataatsip nalinganik
akissarsisitsisoqassalluni.

§ 17

Inunnik siunnersutitut tapisiaat.

Atorfilik, inunnik siunnersortitut isumaginnittuttut atuarsimann-gitsut kommunini inunnik isumaginninnermik suliaqartitaasut rådgiverningsassistentitut pikkorissarsimasut qaammammut 500,00 kr.-inik tapisiaqartinneqassapput.

§ 18

Persaqqusersorneqarnermut akiliutit.

Nal. 18.00-ip 06.00-illu akornanni unnuarsiornerit, arfininngor-nikkut nal. 14.00-ip kingornagut kiisalu sapaatini nalliuttunilu sulinerit akilerneqartassapput malittarisassat tjestemandinut Namminersorlutik Oqartussanut kommunenilu sulisunut atuuttut, Ka-laallit Nunaanni Nalakkersuisut Atorfillit Kattuffiatalu akornanni isumaqatigiissut naapertorlugit, taakkulu immikkut takussutissiami takuneqarsinnaapput. Qaangiuttoornerli pineqarpat taamaallaat § 12 naapertorlugu sulinngiffeqartitsisoqarsinnaavoq/qaangiuttoorner-siuteqartitsisoqarsinnaavoq.

§ 19

Suliantoqquneqaratarsinnaanermut tapisiaat.

Niuernermi allaffinnilu sulisussatut tunngaviusumik ilinniarsi-masut, assistentit, overassistentit fuldmægtigillu nakkutigineqar-sinnaangitsumik nakkutigiuminaatsumilluunniit qaangiuttoortartut qaangiuttoorner-sianut persaqqusersorner-siutisianullu taarsiullugu suliantoqquneqaratarsinnaanermut tapisiaqartinneqarsinnaapput, taassumalu annertussusia isumaqatigiissuteqartut akornanni isum-aqatigiinniareernikkut aalajangersarneqartassaaq.

Imm. 2. Naalakkersuisut siulittaasuata allattaata saniatigut naalakkersuisunut ilaasortat allattaasa sinnerinut qaangiuttoor-nersiuteqartitsisoqarsinnaangilaq persaqqusersornermulluunniit akiliuteqartoqarsinnaanani, taakkumi qaammammut 5.800,00 kr.-inik amerlassusilinnik suliaqarnerutitaanermut suliantoqquneqaratar-sinnaanermullu tapisiaqartinneqarput.

Imm. 3. Qitiusumik aqutisoqarfiit allaffissorfiini atorfilinnut qaangiuttoornersiuteqartitsisoqarsinnaanngilaq persaqquersornermul-luunniit akiliuteqartoqarsinnaanani, taakkumi qaammammut 4.500,00 kr.-inik amerlassusilinnik suliaqarnerutitaanermut suliartoqqunekaratarsinnaanermullu tapisiaqartinneqarput.

§ 20

Atorfimmut imiikut ittumut tapit.

§§ 5 - 7-mi akissarsiat taaneqartut nalinginaasumik piumasagaati-tarisaannut il.il. ilaanngitsunik suliatigut, allaffissornikkut, pisinnaasariaqartutigut allatigulluunniit imikkut inissisimasunik atorfinitsistsisoqartillugu, akissarsianut tapit atugassari-titaajunnartullu allat pillugit isumaqatigiissuteqartut akornanni immikkut isumaqatigiissuteqartoqassaaq.

§ 21

Pikkorissutsimut tapisiat il.il.

Isumaqatigiissut manna tunngavigalugu atorfinitsinneqarsimasunut pikkorissutsimut tapisiaqartitsisoqarsinnaavoq qaammammut kr. 500,00-nik. Pikkorissutsimut tapisiat inummumut ataatsimut arlalinn-gorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inissisimasunut tunniunneqartas-sapput, taamatut inissisimaneq isumaqatigiissummi matumani nalin-ginnaasumik tunngaviusuni akissarsiatigut taaneqartunut il.il. ilaatinneqanngippat.

Imm. 3. Kommunit ataasiakkaat, Namminersorlutik Oqartussat suliffegarfiisa immikkoortui ataasiakkaat, matumani suliffiit taak-kununga atasut ilanngullugit, kiisalu Namminersorlutik Oqartussat aktiaateqarluni ingerlatseqatigiiffiutai tapisiassanik aalajangersimasunik amerlassusilinnik agguaassassaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Aningaasaqarnermut Sulisoqarnermullu Aqutsisoqarfiup isumaqatigiinniarnermut immikkoortortaqarfiata nalunaarutigisasavai.

Imm. 4. Najukkami sulisitsisup najukkamilu tassani sulisut sinniisaata imaluunniit S.I.K-p akornanni isumaqatigiinniareernikkut tapisiassat taakku kommunit suliffegarfiillu ataasiakkaat iluanni agguataarneqartassapput.

Imm. 5. §-it 3 amma 40 tunngavigalugu atorfinitsinneqarsimasut aalajangersakkami matumani pineqartumi ilaatinneqangillat.

Imm. 6. Tapisiat atorfirmut allamut nuunnermi peerneqartassapput.

Imm. 7. Pikkorissutsimut tapisiat inuttaaruttut isumaqatigiinniuti-geqqinneqareernerermikkut atorneqaqqissinnaalertassapput, tak. imm. 4.

Imm. 8. Pikkorissutsimut tapisiat agguataarneqarnissaat isumaqatigiissutigineqarsinnaanngippat apeqgut isumaqatigiissuteqartutut illuatungeriinnit aalajangiiffigineqartassaaq.

§ 22

Suliamut aalajagersimasumut tapeq.

Nunatsinni Peqqinnissaqarfiup ataani isumaqatigiissut manna atuuttoq najoqutaralugu atorfeqartumut tapeqaataasinnaavoq Qarasaasiatigut Napparsimasut Allattorsimaffianut immikkut ilisimasalittut atuisuutilluni qaammammut 1000,00 kr.-inik.

§ 23

Stationeqarfinni avinngarusimasuni sulisut.

Niuernermi allaffinnilu Ikerasassuarmi Danmarkshavnimilu sulisut stationeqarfinni sulinermut tapisiat pillugit kaajallaasitaq naapertorlugu tapisiaqarfissatut aalajangersaavigineqarsimasuni sulisut Kalaallit Nunaanni stationeqarfinni avinngarusimasuni suliamik immikkut ilinniagaqarsimasut pillugit ileqqoreqqusami aalajangersakkanit ukunannga pineqarput:

- a) tamanna pillugu kaajallaasitaq naapertorlugu stationimiinnermi tapisiaq,
- b) atorfininnermi soraarnermilu akiliunneqarluni angalanerit,
- c) sulinngiffegarnermut atatillugu akiliunneqarluni angalaneg,
- d) nerisaqarneq ineqarnerlu,
- e) nakorsamit kigutilerisumillu isumagineqarneq,
- f) immikkut pisussaaffiit (peqqissutsimik misissortinneq, pikkorissarnerit)

Imm. 2. Kangerlussuarmi Narsarsuarmilu sulisut isumaqatigiissut 8. juni 1991-imeersoq naapertorlugu 31. marts 1995-imiit maqaasinaveeqqutitut qaammammut 700,00 kr.-inik tapisiaqareersut tapisiat taaku inummut namminermut aqqissuussinertut pi-giinnassavaat atorfeqartitaanertik atuukkallartillugu.

§ 24

**Sulinermut atatillugu angalanerni saniatigut
aningaasartuutaasartut, tassunga ilanngullugit
ullormusiat, unnuinermusiat (akunnittarfinmiinnermut
atugassat) atortussarsiutillu.**

Atorfillit angerlarsimaffittut najugarisamik avataanut suliar-torallartitaasut aningaasanik pissarsiassaqaartinneqassapput ma-littarisassat tjenestemandinut Namminersorlutik Oqartussani kommu-nenilu sulisunut atuuttut/isumaqatigiissut naapertorlugu, taakkulu immikkut takussutissiami takuneqarsinnaapput.

§ 25

Atorfimmi qaffasinnerusumi kingoraartaaneq.

Niuernermi allaffinnilu ikiorti, niuernermi allaffinnilu sulisussatut tunngaviusumik ilinniarsimasoq, assistenti, overassistenti, fuldmægtigi immikkoortortaqarfimmiluunniit pisortaq qinnuigineqarnermigut atorfimmi qaffasinnerusumi, appasinnerpaamilli overassistentitut atorfimmi utaqqiisaagallartumik sulisoq, atorfiup qaffasinnerusup taassuma suliasartai suliarigunigit aalajangersakkat kinguliini taaneqartut malillugit akissarsiaqarsinnaatitaavoq.

Imm. 2. Atorfimmi qaffasinnerusumi suligallarnermi akissarsiaqartussaaneq atuutilertassaaq sulisup atorfik taamaattoq ulluni malittuinnarni 15-ini tigummereerpagu.

Imm. 3. Tamatumani akissarsiassat tassaassapput sulisup nammineq atorfimmini akissarsiai, pikkorissutsimut tapisiaqarpat taakku ilanngullugit, aammalu atorfimmuq qaffasinnerusumut tassunga qaf-fariartinneqarsimasuuguni akissarsiariligassaraluisa assigiinn-gissutaat.

§ 26

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmuq atatillugu pisussaaffeqartoq suliffimmuq atatillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najugariumanngippagu, inissiamik allamik innersuussisoqarsinnaann-gilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartassaaq Namminersorlutik Oqartussat kommunellu inissiaataanni ineqarnermut akiliuteqartarnermut mallittarisassat qaqugumulluunniit atuuttut naapertorlugit. Inissiamik innersuunneqarsimasumik sumiginnaasoqarpat anisitaanermik kingunegartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu suliffimmut atatillugu inigisassaataasumik ineqartut ineqarnermut akiliuteqartassapput maleruagassat tjenestemandinut Namminersorlutik Oqartussani kommunenilu sulisunut qaqugukkulluunniit atuuttut/isumaqatiisut naapertorlugu, taakkulu immikkut takussutissiami takunegarsinnaapput.

§ 27

Atorfininnermut atatillugu akiliunneqarluni angalaneq.

Atorfininnermi niuernerme allaffinnilu sulisunut, qaammammusiaqartillugit atorfinitsinneqartunut, Danmarkimi Kalaallit Nunaanniluunniit angerlarsimaffigisap suliffeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiusaq naapertorlugu inissaqartitsisoqarpat imaluunniit atorfinimmut atatillugu inigisassaataasumik najugaqarnissaq pisussaaffiuppat tak. § 26, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinneqarput atorfeqartup aapparisaat katissimanngikkaluarluguluunniit inooqatigisaa kiisalu meeqqat 18 inorlugit ukiullit. Taama ilaqtariit akiliunneqarlutik angalanerat sapingisamik ataatsimoorluni ingerlanniarneqartassaaq.

Imm. 3. Taama akiliunneqarluni atorfininnermi angalaneq inummut namminermuinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartissutigineqarsinnaanngilaq.

Imm. 4. Atorfininnermi akiliunneqarluni angalasinnaatitaanermi aqgutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneg ilaagaangat taamaallaat matussuserneqarsinnaapput najugarisap nunallu immikkoortuani mittarfiup akornanni tamanut angallas-sissutit atorlugit akikinnerpaamik angallanneqarnermut aningaasartuutit uppersarneqarsinnaasut. Allatut angalasoqartillugu najugarisap Kastrup-illu mittarfiata akornanni tamanut angallas-sissutit atorlugit angallanneqarnermut akikinnerpaamik aningaasartuutit matussuserneqartassapput.

Imm. 6. Københavniinnermi aningaasartuutaa sinnaasut atorfeqartup nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppersarneqarsinnaasut.

Imm. 8. Atorfininnermi pigisat assartorneqassapput malittarisassat tjestemandinut Namminersorlutik Oqartussani kommunenilu atorfilinnut qaqugukkulluunniit atuuttut/isumaqatigiissut naapertorlugu, taakkulu immikkut takussutissiami takuneqarsinnaapput.

§ 28

Assuarlersinnaatitaaneq.

Niuernerme allaffinnilu atorfillit § 21-imi taaneqartut saniatigut allanik tapisiaqarsinnaanerat nalornissutigineqarpat sulisullu sinniisaat aqgutigalugu saaffiginninneq naammaginartumik aqqinneqanngippat, suliassaq aqqiagiinngissutit suliarineqartarnissaanik tungavisumik isumaqatigiissummi aalajagersakkat naapertorlugit suliarineqarsinnaavoq.

§ 29

Sulinngiffegarneq sulinngiffegarnersiutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffegarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffegarnersiuteqarluni sulinngiffegarneq akissarsiaqarluni sulinngiffegarnermut taarsiullugu toqqarpassuk ullut sulinngiffegarfiit amerlassusii naapertorlugit aningaasarsiat ilanngaaffigineqassapput. Sulinngiffegarnersiutit ukiumut aningaasarsiarisimasanut naatsorneqassapput.

Imm. 3. Soraarnermi aningaasarsiat 12½ %-ii sulinngiffegarnersiutissatut tunniunneqassapput.

Imm. 4. Sulinngiffegarnermi aningaasanik pisassanik piunasaqarneq sulisitsisumut saqqummiunneqassaaq ukiup sulinngiffegarfissaasimasup qaangiutereernerani kingusinnerpaamilli qaammatit pingasut qaanngiutsinnangit. Taamaangippat aningaasat Sulinngiffegarnermut Aningaasaateqarfimmut nakkassapput, tak. Sulinngiffegarnermut Aningaasaateqarfik pillugu isumaqatigiissummut tapiliusaaq.

§ 30

Napparsimaneq.

Sulisoq napparsimanini pissutigalugu sulisinnaangippat, taassuma kinguneranik sulinnginneq inatsisinik unioqqutitsinani sulinnginnertut isigineqassaaq, sulisoq sulinermini piaaraluni mianersuaalliorujussuarlunuunniit napparsimalersimanngippat imaluunniit atorfininnermi salloqittaalluni napparsimanini nipangiusimasimanngippagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaammatini tulleriiginnarni ullut 120-ini akissarsiaqartitsilluni periaatsit atuupput.

Imm. 3. Sulisut imm. 2-mi pineqanngitsut qaammatini tulleriiginnarni aqqaneq marlunni katillugit ullut 120-ini napparsimanermi akissarsiaqarsimappat, qaammatip naaneranut imatut siumut ilisimatitsererluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareermermi: qaammat ataaseq,
- ukiuni 6 - 8 atorfeqareermermi: qaammatit pingasut,
- ukiuni 9 - sivilunerusumillu atorfeqareermermi: qaammatit sisamat

Soraarsitsinerup atuutitinnegarnissaanut piumasagaataavoq ullut napparsimaffiit 120-it taakku naanerannut atatillugu soraarsitsisoqassasoq aammalu inuk pineqartoq suli napparsimatillugu, kisiannili atuutitinnegarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfeqarnermit soraarsitsisoqarsimappat, atorfinitsitseqqit-toqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqputigalugu qimagussimaneq nakorsap uppernarsaaneratigut uppernarsarneqarnissaa piumasarineqarsinnaavoq.

Imm. 6. Nakorsat uppernarsaataat imm. 5 malillugu piumasarineqartut sulisitsisumit akilerneqassapput.

§ 31

Naartuneq, ernineq qitornavissiarternu.

Sulisut sulinngiffeqarsinnaatitaapput, naartunermi, ernereernerup kingorna qitornavissiarternu Inatsisartut inatsisaat qaqugumulluunniit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani piginnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akissarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erinissaq sioqqullugu	Anaanaq: sap.ak. 14-it kingorna Ataataq: sap.ak. 1-p kingorna	Tamarnik: sap.ak. sisamat avinneqartussat imm. anaanaasup kisimi.
--	--	---

§ 32

Meeqqap napparsimanerani ullormi siullermi
sulinngiffeqarsinnaatitaaneq.

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piunasaqaataavoq:

- a) Ulloq tassaappat meeqqap napparsimaffia siulleq,
- b) meeqqap atugarisai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornanngippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi pegannginnermik.

Imm. 4. Aaqquissuussineq atornerluinermi sulisunut ataasiakkaanut atortussaajunnaarsinneqarsinnaavoq.

Imm. 5. Ullormi pinegartumi nal.akunneri suliffiusussat naliginnaasut tapisiallu ilanngullugit annaasaqaataannngitsumik aningaasarsissutaassapput.

§ 33

Meeqqap napparsimanerani sulinngiffeqarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnis-saqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nalinginnaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataa-nissaa ingiallortaanissaalu nakorsamit uppersarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppersarsarneqarpat.

Imm. 4. Immikkut illuinnartumik pissutissaqartillugu nakorsamillu uppersarsarneqarpat sulinngiffeqarneq sivitsorneqarsinnaavoq ullut 5 tikillugit.

§ 34

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaanerinut atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kalaallit Nunaanni tjenestemandinut atuuttut naapertorlugit, taak-kulu immikkut takussutissiami takuneqarsinnaapput.

Imm. 2. Sulinngiffegarnissamik aamma akiliunneqarluni angalanis-
samik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat
taamaattutullu naatsorsuussat, qitornat qatanngutillu, kisianni
aappap ilaqutai taamaattutullu naatsorsuussat pinnagit.

§ 35

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinn-
giffeqarsinnaatitaavoq, ullutut nalliuttutut uku naatsorsuunne-
qassapput:

- a) ilagiit Lutherikkut nalliuttui,
- b) juulliaraq,
- c) ukiutoqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

Imm. 2. Qaammatini pingasuni atorfeqareernermi sulisitsisup
tungaaniit imatut siumut ilisimatitsererluni soraarsitsisogarsin-
naavoq:

- Atorfininnerup kingorna qaammatini arfinilinni siullerni qaam-
mammik ataatsimik ilisimatitsererluni qaammatip naaneranut
- Atorfininnerup kingorna qaammatit arfinillit kingorna qaammati-
nik pingasunik ilisimatitsererluni qaammatip naaneranut
- Taassuma kingorna ukiut atorfeqarnerit pingasukkaarlugit siumut
ilisimatitsererluni soraarsitsisinnanarit qaammammik ataatsi-
mik ilanegartassapput, kisiannili annerpaamik qaammatini arfini-
linni.

Imm. 3. Qaammatini pingasuni atorfeqareernermi sulisoq siumut
ilisimatitsererluni soraarsinnaavoq:

- qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamil-
lu siumut nalunaarutaat allaganngorlugu tunniunneqassaag.

§ 36

Qinikkatut pisortanillu toqqakkatut suliaasaqartitaaneq.

Isumaqatigiissut una naapertorlugu atorfillit qinikkatut pisor-
tanillu suliaasaqartitaanerit pillugit Namminersornerullutik Oqar-
tussat qinikkatut pisortanillu toqqakkatut suliaaqarneq pillugu
nalunaarutaat nr. 5, 15. marts 1994-meersoq naapertorlugu suli-
nissaminnut sulinngiffeqarsinnaatitaapput.

Imm. 2. Imm. 1, malillugu suliffigisamiit qimagusimaneq piffissami
nalinginnaasumik suliffiusussaagaluami ilinniagaqarsimasunut aamma
ilinniagaqarsimanngitsunut isumaqatigiissutit malillugit qaangiut-
toornersiaqarfissaq sioqqullugu pisoq sumiginnaanertut isigine-
qassanngilaq. Suliffimmiit qimagusimanissaq sapinngisamik sioqqut-
silluarluni sulisitsisumut nalunaarutigineqassaag.

Imm. 3. Pisortanit suliaasaqartitaaffinni allani SIK-p immikkoor-
tortaqarfiini siulersuisunut, SIK-p inuusuttaani siulersuisunut
aammaalu SIK-p siulersuisuunerinut ilaasortat, pisortat oqar-
tussaasoqarfiinit piumaffigineqarneq tunngavigalugu ilaasortaaffi-
gineqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuune-
rini ilaasortat, ataatsimeersuarnerni, nakkutilliisoqarfegarnerani
atatillugu SIK-p siulersuisuunerinut aamma SIK-p Inuusuttaaisa
siulersuisuunerinut ilaasortat, aningaasarsiaqar-lutik sulinn-
giffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqarfiini siulersuisut, SIK-p siuler-
suisuunerini aamma SIK-p Inuusuttaaisa siulersuisuunerini ilaasor-
tat, akissarsiaqaratik sulinngiffeqarnissartik kissaatigippassuk
tamanna akuerineqartariaqarpoq. Taamatut sulinngiffeqartoqar-
sinnaavoq ukiut ataasiakkaarlugit.

§ 37

Toqukkut qimagaanersiutit.

Sulisog atorfeqarnermi nalaani toqusimappat aapparisaanut tas-sungalu naligititat imaluunniit qitornaanut 18 inorlugit ukiu-linnut qimagaasunut toqusup pilersugassarimasanaanut qimaga-a-nersiutit ataani allassimasut naapertorlugit tunniunneqassapput:

Atorfeqar-

figisami	ukioq 1	sulisimaguni.....:	Qaam. 1	akissarsiat
-	ukiut 2	sulisimaguni.....:	Qaam. 2	akissarsiat
-	ukiut 3	amerlanernilu.....:	Qaam. 3	akissarsiat

§ 38

**Isumaqatigiinngissutit kinaassusersiortumillu
soraarsitsinerit.**

Isumaqatigiinngissutit suliarineqartassapput aaqgiagiinngissutit suliarineqartarnissaannik tunngaviusumik isumaqatigiisummi aala-jagersakkat naapertorlugit.

Imm. 2. Inunnik ataasiakkaanik soraarsitsisinnaaneq atorne-garaangat tamanna kinaassusersiornermik tunngaveqartassanngilaq. Tamanna pillugu apeqgutit aaqgiagiinngissutit suliarineqartar-nissaannik tunngaviusmik isumaqatigiisummi aalajangersakkat naap-ertorlugit suliarineqartassapput.

§ 39

Soraarniuteqarneq/Soraarsitsineq.

Sulisitsisut aamma atorfillit akornanni pissutsit pillugit In-atsisartut inatsisaat naapertorlugu sulisunut soraarnermut ata-tillugu ajunngitsorsiaqaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiis-saagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaani sulisumik imatut siumut ilisimatitsererluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naaneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfeqarnermi qaammatini pingasuni siullerni ullunik tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaammatit pingasut atorfeqareernerut kingorna soraarniuteqarsinnaanerit imm. 2 b-c aamma imm.4-miitut atuupput.

Siuraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnemi siuliani inatsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamilu siumut nalunaarutaat allaganngorlugu tunniunneqassaaq.

§ 40

Niuernermi allaffinnilu sulisut nal. akunnermusiallit.

Niuernermi allaffinnilu ikiortit, niuernermi allaffinnilu sulisus-
satut tunngaviusumik ilinniarsimasut, assistentit, overassisten-
tit, kontorfuldmægtigit aammalu akademi-mik ilinniagallit
atorfeqalivinnissaq siunertarinagu, kisiannili sulinngiffegar-
nermi, napparsimasoqarnerani assigisaannilu taartissatut, ima-
luunniit allamik suliaqarallarnissamut atorfinitsinneqartut, nal.
akunnermusialerlugit qaammatit pingasut inorlugit sivisussulinim-
mik sulisussatut atorfinitsinneqartassapput. Qaammatit pingasut
sinnerlugit sulereernermi pineqartoq qaammammusiaqalersinne-
qassaaq, taamaattorli sulisartup kissaatigiguniuk nalunaquttap
akunnermusiaqaannarsinnaavoq. Nal. Akunnermusiaq naatsorsorneqar-
tassaaq §-it 3, 4, 5, 6 aamma 7 naapertorlugit pineqartup qanoq
sivisutigisumik sulisimanera tunngavigalugu ukiumut akissarsiaasa
1/2080-iannik angissusilerlugu.

Imm. 2. Niuernermi allaffinnilu sulisut nal.akunnermusiallit
atorfeqartitaanerat siumut qaammammik ataatsimik siumut ilisima-
titsilluni qaammaatip naanneranut atorunnaarsinneqarsinnaapput.

Imm. 3. Niuernermi allaffinnilu sulisut nal.akunnermusiallit pi-
sinnaatitaapput pisussaaffeqarlutillu ullut 6-t sulereernerit
tamaasa ullormik sulinngiffeqarnissamut; taamaattorli ulluni su-
linngiffissani ataasiakkaartuni piffissamut allamut nuunneqar-
sinnaapput suliasut tamanna pisariaqartikkaangassuk.

Imm. 4. Niuernermi allaffinnilu sulisut nal.akunnermusiallit akis-
sarsiffissaat ullunut 14-inut naatsorsorneqartassaaq, ataa-
sinngornermiit sap.akunnerisa 2-t naaneranni sapaat ilanngullugu.

Imm. 5. Niuernermi allaffinnilu sulisut nal. akunnermusiallit feriernersiutissaattut akissarsiaasa 12½ %-ii katersorneqartarput.

Imm. 6. Niuernermi allaffinnilu sulisut nal. akunnermusiallit akissarsiassa at qanoq sivilutigisumik sulisimanerat aallaavigalugu naatsorsorneqartassaaq § 10-imi, immikkoortuni 1-imiit 5-imut malleruagassat naapertorlugit. Niuernermi allaffinnilu nal. akunnermusiaqarluni sulinerup nalaani qanoq sivilutigisumik sulisimaneq aallaavigalugu akissarsiaqartitsineq allamik ilaneqarsinnaangilaq.

Imm. 7. Isumaqatigiisummi matumani §-it 11, 21, 26, 31 aamma 38-imi aalajangersakkat niuernermi allaffinnilu sulisunut nal. akunnermusialinnut atuutinngillat.

§ 41

Akissarsiat katiternereri.

Akissarsiat § 3, 4, 5, 6, 7 imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliussaq 1. aril 2000 16,4789%-imik. Skala-mi akissarsiat iluarsiiisutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.14	ukiumut
168,35	2.020,20
01.04.15	
182,00	2.184,00
01.04.16	
265,41	3.184,92
01.04.17	
239,63	2.875,56

§ 42

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 32, imm. 1, "sulinngiffeqarnerit immikkut ittut allat"-mi malittarisassaq atuutiinnassaaq.

§ 43

Piffissaq isumaqatigiissutip atuuffia.


Isumaqatigiissut una 1. april 2014 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaaruteqarnikkut 31. marts-imut taamaattorli siusinnerpaamik marts-ip 31.-ani 2014-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isumaqatigiissuteqarfissap tungaanut akissarsiat marts-ip 31.-ani 2018 atuuttut malillugit akissarsiaqartitsisoqassaaq.

Nuummi, ulloq **14 NOV. 2014**

Sulinermik Inuussutissarsiuqartut

Kattuffiat



Jesse G. Berthelsen

Naalakkersuisut

n.s.



Frederik Møller

Taamalu isumaqatigiissut 21. marts 2013-meersoq atorunnaarpoq.